

## Mosebetsi oa Boqhoku



### SABATHA MANTSIBOEA

#### Bakeng sa Thuto ea Beke ena Bala:

*Bakolose 1:16–18; Baheb. 4:14–16; 3 Johanne 3; Genese 6:13–18; Tsen. 14:6–12; 1 Petro. 1:15, 16.*

#### Temana ea Khopolo:

*“Hobane Molimo ha oa ka oa re biletsa litšileng, empa e le khalalelong” (1 Bath 4:7).*

**K**a lebaka bophara le botebo ba boqhoku, ho bonolo ho lehleha setšoantšong se sehlo, re tsoaseha seretseng le ho hlolloa ke boholo ba bona. Boqhoku bo bonolo, empa bo thata ho ka bo utloisisa, 'me ho bonolo ho se bo utloisise. Leha ho le joalo, Mokreste kapa kereke ba ka se be teng kapa hona ho sebetsa ntle le bona. Ho ba Mokreste ke ho boela u e ba qhoku e tšepahalang.

“Ha e fiori kapa filosofi empa leano le sebetsang, hae le hantle, ke molao oa Molimo oa ho phela. . . . O bohlokoa bakeng sa ho utloisisa bophelo hantle, 'me bo bohlokoa bakeng sa maiphihlelo a 'nete a bohlokoa a molumeli. Hase taba ea ho lumela ha keello fela, empa ke ketso ea thato ea motho 'me e topileng, e khaolang khang, e amang likarolo tsohle ta bophelo.”—LeRoy E. Froom, *Stewardship in Its Larger Aspects* (Mountain View: Calif., Pacific Press Publishing Association, 1929), leq. 5.

Tse ling tsa litumelo tseo eleng khubu ea se boleloang ka ho ba qhoku ea Mokreste ke life? Bekeng ena re tla sheba haholoanyane likarolo tse bapaloang ke boqhoku bophelong ba Mokreste. Re tla etsa joalo, leha ho le joalo, ka papiso e thahasellisang: lebili la karaki.

*\*Ithute Thuto ea beke ena ho lokisetsa Sabbath sa la, 10 Hlakubele.*

## Kreste e le Bohare

Jesu ke mophetoa oa sehlooho ka Bibeleng (Johanne 5:39), 'me re lokela ho ipona re amana le eena. O lefile molato oa sebe 'me bophelo ba hae ke 'topollo ea ba bangata' (Mareka10:45). Jesu o na le borena bohle leholimong le lefatšeng (Mattheu 28:18), hape lintho tsohle li matsohong a hae (Johanne 13:3). Lebitso la hae le phahametse ohle a teng, 'me ka tsatsi le leng mangole ohle a tla khumama pela Hae (Bafili 2:9–11). "Jesu ke khubu e phelang ea tsohle."—Ellen G. White, *Evangelism*, leq. 186. Kreste ke pelo ea boqhoku ba rona le mohloli oa matla a rona. Ka baka la hae, re hlahisa bophelo bo monate, re bontša bohle hore ke khubu ea maphelo a rona. Paulosi e ka 'na' ba o fetile litekong tse ngata, empa ho sa khathalehe hore na o hokae kapa ho etsahalang ho eena, o ne a e na le sepheo se le seng sa ho phela: "Hobane, ho 'na ho phela ke Kreste, 'me ho sha ke moruo" (Bafili 1:21).

**Bala Bakolose 1:16–18, Baroma 8:21, le 2 Bakorinthe 5:17. Li re bolella'ng kamo Jesu eleng khubu ea sohle sa rona?**

---



---



---

Ha hona boqhoku ba 'nete ntle le Kreste ele khubu ea rona (Bagal. 2:20). Ke bohare ba "tšepo e lehlohonolo" (Tite 2:13), hape "Ke eena ea leng ka pele ho lintho tsohle, 'me tsohle li eme ka eena" (Bakolose 1:17). Hantle joalokaha ase ele bohare ba lebili 'me e jere boima ba kariki, Kreste ke bohare ba bophelo ba qhoku. Joalokaha ase e tiileng e fana ka botsitso, e etsa hore lebili le pota-pote, Jesu o boetse ke bohare bo tsitsitseng ba boteng ba rona re le Bakreste (Baheb. 13:8). Tšusumetso ea hae e tlameha ho ama sohle seo re se nahanang le seo re se etsang. Likarolo tsohle tsa boqhoku li pota-pota le ho fumana bohare ba tsona ho Kreste.

"Ntle ho 'na le ka sitoa ho etsa letho'" (Johanne 15:5). Khubu ea boqhoku ha se mophohlo o senang letho empa bonnete ba ho phela ha Kreste, ea sebetsang ka ho rona ho bopa limelo tsa rona bakeng sa ha joale le ka ho sa feleng.

**Ke ntho'e 'ngoe hore Jesu ke khubu ea bophelo ba rona, empa ke e 'ngoe ho phela joaloka ha a le seo. Ke joang u kang le bonnete ba hore Jesu, ruri, o fela a phela ka ho oena joalokaha a tšepisitse hore o tla etsa joalo haeba re ka mo lumella ho kena kahare?**

## Thuto ea Sehalelelo

Hangata motho h'a nahane ka sehalelelo ha ho buuo a ka boqhoku. Empa nyallano e teng kaha sehalelelo se bohlokoa haholo ho seo re se lumelang, 'me boqhoku ke karolo ea tseo re li lumelang. "Kutloisiso e nepahetseng ea bosebeletsi [ba Krete] sehalelelong sa leholimo ke motheo oa tumelo ea rona."—Ellen G. White, *Evangelism*, leq. 221. Rea tlameha ho utloisisa karolo ea boqhoku leseling la thuto ena ea Bibe. 1 Marena 7:33 e hlalosa lebili la kariki. Re tla hlalosa thuto ea sehalelelo e le khubu ea lebili. Khubu e tsoaseleitsoe aseng 'me e fana ka botsitsi bo eketsehileng lebileng nakong eo le potang. Ka ho ba le maiphihlelo a lefu le bophelo ba tlhoho (2 Tim. 1:10), Krete ka lefu la hae ke motheo oa mosebetsi oa hae ka sehalelisisong (Baheb. 6:19, 20) eleng se tlisang botsitso tumelong ea rona. 'Me ke ho tsoa sehalelisisong a re sebeletsang rona ba lefatšeng (see Baheb. 8:1, 2). "Ka ho ema motheong oa sola Scriptura [Mangolo fela] Boleti bo tsoang ka Bibeleng bo aha leano la bona kutloisisong e pharaletseng ea sehalelelo."—Fernando Canale, *Secular Adventism? Exploring the Link Between Lifestyle and Salvation* (Lima: Peru, Peruvian Union University, 2013), pleq. 104, 105.

**Ke sefe seo litemana tsee li re bolellang sona mabapi le mosebetsi oa Jesu ka sehalelisisong? 1 Johanne 2:1, Baheb. 4:14–16, Tsen. 14:7.**

Thuto ea sehalelelo e thusa ho senola 'nete e kholo ea pholoso le topollo, tseo eleng khubu ea thuto-Molimo eohle ea Bakreste. Ka sehalelelong, ha re bona lefu la Krete fela, empa le bosebeletsi ba hae sehalelelaong sa leholimo. Re ka boela ra bona, hape, ka sehalelisisong, bohlokoa ba molao oa Molimo le bonnete ba kahlolo ea ho qetela. Khubu ea sena sohle ke tšepiso ea topollo eo re e fuoang ka mali a Jesu a tšolotsong.

Karolo e bapaloang ke boqhoku e bontša bophelo bo metseng 'neteng e kholo ea pholoho, joalokaha e senotsoe thutong ea sehalelelo. Ha re utloisisa seo Jesu a re etselitseng sona ka botebo le seo a se etsang ka hare ho rona ha ha joale, re atamela ho Krete, bosebeletsing ba hae, thomong ea hae, le sepheong sa hae ka ba phelang motheo oa boqhoku maphelong a bona.

**Bala Baheberu 4:14–16. Ke sefe sefumanoang moo bakeng sa rona ntoeng tsa rona le sebe, bo rona, le boikhabo? Ke joang re kholang matla le tšepo ho tsoa ho seo re se tšepitsong moo?**

# Lithuto tsa Tumelo-Tseo Bohare ba Tsona e Leng Kreste

Sehalalelo ke khubu hobane ke moo 'nete e kholo ea pholo e hlalosoang ka matla, moo moelelo oa sefapano o senoloang. 'Me lithuto tsohle tsa rona, ka tsela tsohle, li tlamehang ho nyallana le tšepiso ea evangeli le pholoso. Joaloka ka literata tsa lebili, lithuto tse ling li kolla 'neteng e kholo ea pholoho ka tumelo ho Jesu. “Sehlabelo sa Kreste e le pheko ea sebe ke 'nete e kholo eo linnete tse ling li runyang ho eona. . . . ba ithutang sehlabelo se babatsehlang sa Mopholosi ba hola tsebong le mohaung.”—Ellen G. White Comments, *The SDA Bible Commentary*, vol. 5, leq. 1137.

**Jesu o ne a bolelang h'a ipolela e le “'nete' ” ho Johanne 14:6? Bapisa le Johanne 17:17. Re lokela ho etsang ka 'nete? 3 Johanne 3.**

---



---



---

Lithuto tsa litumelo tsa rona li na le tšusumetso ho seo re leng sona le tsela eo re e nkang. Lithuto ha se lithlahiso tse sa tšoareheng tsa thuto-Molimo; lithuto tsohle tsa 'nete li thomehile ho Kreste, 'me tsohle li tlameha ho tlisa tšusumetso ho kamoo re phelang kateng ka tsela tse fapaneng. Ha e le hantle, ho ka nepahala hore motho a re boitsibiso ba rona re le Baleti ba Bolokang Tsatsi la Bosupa e metse lithutong tsa rona ho feta eng kapa eng. Ka hona, lithuto, tseo re li nkang Bibeleng, ke tse re etsang seo re leng sona re le Baleti.

Mosebetsi oa boqhoku ke ho phela 'nete ea lithuto joalokaha e le ho Jesu, ho etsa joalo ka tsela e amang bophelo ba boleng hantle. “Ha le fela le momametse, 'me le rutileo ho eena kamoo 'nete eleng ho Jesu kateng, eleng hore le hlobole, kamoo metsamao ea lona ea pele e neng e le kateng, motho oa khale, ea bolisoang ke litakatso tse thetsang; le ho nchafala mehopolong ea lipelo tsa lona, le ho apara motho e mocha, ea bopiloeng ka setšoantšo sa Molimo, ho lokeng le khanyeng ea 'nete” (Baef. 4:21–24).

Litemaneng tsena, re fumana se boleloang, eseng fela kaho tseba 'nete, empa ho e phela. Hoba qhoku ha se ho lumela lithuto fela, leha lithuto tse e le 'nete hakalo; ho ba qhoku ho bolela ho phela linnete tseo maphelong a rona le likamanong tsa rona le ba bang.

## Molaetsa oa Manyeloi a Mararo

Ke habeli fela moo Molimo a hlokomelisitseng lefatše ka koluoa e tlang: khetlo la pele ho Noe (Genese 6:13–18, Mattheu 24:37) la bobeli ka melaetsa ea manyeloi a mararo (Tsen. 14:6–12). Melaetsa ena e bula khoro ho kena kutloisong e ikhethang ketsahalong tse tlang lefatšeng. Kutloisiso ea rona ea melaetsa ena e hotse ho tsamaeng ha nako, empa molaetsa le thomo e ntse e le ho beoa ea lokileng ka tumelo ho Jesu Kreste, “molaetsa oa lenyeloi la boraro hantle.”—Ellen G. White, *Evangelism*, leq. 190. Ka mantsoe a mang, khubung ea molaetsa oa rona oa joale, molaetsa oo re bilelitsoeng ho o phatlalletsa lefatše, ho eme Jesu le sehlabelo sa Hae se sehlo-holo bakeng sa rona.

**Bala Tsenolo 14:6–12. Khubu ea melaetsa ee ke efe? e reng ho lefatše? Boikarabelo bo mahetleng a rona malebana le melaetsa ee ke bofe, 'me boqhoku bo kena joang?**

---

Re le Baleti, thomo ea rona ke ho hasa 'nete ea manyeloi a mararo bakeng sa boitokisetso ba ho khutla labobeli ha Kreste. Batho ba tlameha ho khona ho etsa qeto malebana le bo sa feleng. Mosebetsi oa boqhoku ke ho etsa seahlolo le Molimo thomong (2 Bakor. 5:20, 6:1–4).

“Ka moo ho utloahalang kateng, Baleti ba behiloe lefatšeng e le litlhoeli le leseli. Ho bona ho beiloe boikarabelo ba ho qetela ba ho lemosa lefatše le timelang. Ho bona hona le leseli le letle le tsoang lentsoeng la Molimo. Ba filoe mosebetsi o bohlokoa-hlokoa—ho phatlalatsa molaetsa oa pele, oa bobeli, le oa boraro oa manyeloi. Haho mosebetsi o bohlokoa ho feta ona. Ha b’ a tlameha ho lumella eng kapa eng ho monya tsepamiso ea bona ea maikutlo.”—Ellen G. White, *Testimonies for the Church*, vol. 9, leq. 19.

Rimi ea lebili lane la rona e haufi le ho thesa fatše 'me e emetse thomo ea melaetsa ea manyeloi a mararo. Thomo ea 'ona ke ho sireletsa khahlanong le ho ritsa ha lithuto-Molimo le ho bontša boikarabelo ba rona liketsahalong tsa mehla ea bofelo. Re lokela hoba liqhoku tsa molaetsa ona, ho o phatlalletsa lefatše.

**Ho bonoho hahaolo, ha re nahana ka liketsahalo tsa mehla ea bofelo, ho iphumana re tšoasehile ke lideiti le lichate. Li na le karolo ea tsona, empa ke joang, ha re ntse re sebeletsa ho hasa molaetsa ona leftašeng, re ka etasng bonete ba hore re beha Jesu le sehlabelo sa Hae ka pele-pele le khubu ea sohle?**

## Boqhoku

Kreste o batla hore re be le maphelo a khalalelo. Bophelo ba hae bo bontša “khalalelo” le seo sehlohlole sa boqhoku se lokelang hoba sona (Baheb. 9:14). Re lokela ho laola maphelo a rona ka mokha o tla khahlisa Molimo, ho kenyeletsa le sohle seo re se tšepetsoeng. Boqhoku ke tlhaloso ea khalalelo eo.

**Bapisa 1 Petrose 1:15, 16 le Baheberu 12:14. “le halalele” le “khalalelo” li bolelang? See se amana joang le boqhoku ba rona?**

Maroma a ile a hlokomela hore lebili la kariki le tšoarella nako e telele haeba sehlopha sa litšepe se pota-pota rimi. Baetsi ba ne ba qhibilihisa tšepe ho e sarolla ho lekana hore e felle riming. Metsi a batang a ne a e fokotsa hore e lekanele hantle. Sehlopha sa litšepe joale se tla thetsana le ’mila ha lebili le pota-pota.

Sehlopha sa litšepe riming se ka emela boqhoku. Ona ke mothati oa ’nete, moo maphelo a rona a semoea a hohlanang le seo re se phelang. Ke moo tumelo ea rona e kopanang le le meepa le metheo ea likatleho le ho feila. Kemoo seo re se lumelang e bang ’nete hara leheshe-heshe le thata, le boima la bophelo ba letsatsi le letsatsi. Boqhoku ke sephutheloana sa kantle ba seo re leng sona le seo re se etsang. Ke paki ea boitšoarō ba rona le ea bophelo bo tšoroeng ka makhetho. Liketso tsa rona tsa letsatsi le letsatsi tse senolang Jesu li tšoana le tšepe e lebiling le thetsang ’mila.

Liketso li matla haholo ’me li tlameha ho laoloa ke boinehelo ba rona ho Kreste. Re lokela ho phela ka tiisetso le tšepiso ena: “Nka etsa tsohle ka Kreste ea mphang matla” (Bafili 4:13). “Ho halaleletsa moea ka mosebetsi oa Moea O Halalelang ke ho kenya tlhaho ea Jesu bathong. Bolumeli ba evangeli ke Kreste bophelong, tšiea e phelang e schlahlo. Ke mohau oa Kreste o bonahatsoang semelong ’me e bonahatsoang ka mosebetsi e molemo. Litšiea tsa evangeli li ka se khaoloe karolong efe kapa ea bophelo ba letsatsi le letsatsi. Mola o mong le o mong oa maiphihlelo le mosebetsi oa Mokreste e tlameha ho ba kemeli ea bophelo ba Kreste.”—Ellen G. White, *Christ’s Object Lessons*, leq. 384.

**Sheba bophelo ba hau ba letsatsi le letsatsi, ho ba teng ha hao. Ke eng ka bona ho senola bonnete ba Kreste ea kahare ho oena, ea sebetsang kahare ho oena, ea o etsang sebopuo sa secha? Ke khetho life tse hlokolosi tseo u tlamehang ho li etsa hore u bone khalalelo ea hae bonahala ho uena?**

## Ho Ithuta Haholoanyane:

Ka nako tse mabili a kariki a tlameha ho lokisoa sehlopha sa litšepa ka lebaka la ho saroloha ha tšepa e hata 'mila. Ho lokisoa hona ho ne ho qosa ho khobolloa ka hamore le ho otlanngoa ka matla ha tšepa ena. Ho khobolloa hona ha sehlopha sa litšepa ho emetse boqhoku e le khalaletso e phelang. Ke hoba le keello ea Jesu ha re etsa ntho'e 'ngoe le e 'ngoe e kholo kapa e nyenyane bophelong, le haeba ho ka ba thata kapa haba bohloko. Hore na mothati ona o malebana le tšebeliso ea rona ea lichelete, likamano tsa ka lapeng, kapa mosebetsi, ha re bua ka seng kae, tsohle li lokela ho arabeloa ka thato ea Krete. Ka nako tse ling joalokaha bohle re tseba hantle, re ka ithuta thuto ena ka ho khobolloa mona le mane. Ha ho bobele ho khobolla tšepa. Joalokaha ho se bobele ho otlolla semelo sa motho. Nahana ka maiphihlelo a Petrose. O ne a bile hohle le Jesu, empa o ne a sa lebella mantsoe ana ho tsoa ho Jesu: “‘Ke u rapeletse, hore u se ke oa oa tumelong: hore ha u bakile, u matlafatse bana beno’” (Luka 22:32). Kamora nakoana e seng kae, kamora ho latola Jesu, Petrose o ile a fetoha bophelong ba hae, empa kamora maiphihlelo a bohloko a thata. Ha utloahala hore, boqhoku ba hae bo ile ba khobolloa. Petrose o ile a sokoloha bocha, 'me bophelo ba hae bo ne bo tla mocha o mocha, empa kamora ho otlanngoa ho itseng.

## Lipotso Tsa Ho Qoqa:

1. Khalaletso e phelang e amana joang le taelo ea Jesu “ ‘a ipelese, a nke sefapano a hae’ ”? Luka 9:23. Ke sefe se thakhisitsoeng? Bagal. 6:14. See se hlalosa ketsahalo ea khalaletso joang? Khalaletso e phelang e re thusa ho nahana joaloka Jesu joang? 1 Bakor. 2:16.
2. Maiphihlelo a hau ebile a fe malebana le kamoo liteko li ka bang rutang thuto tse matla kateng mabapi le bophelo ba Mokreste le ho latela Morena? E re ba ka sehlopheng ba ikutloang ba lokolohile ho pheta maiphihlelo a bona le seo ba ithutitleng ba etse joalo. Re ka ithutang maiphihlelong a ba bang?
3. Nahana ka litumelo tse ling tseo rona Baleti re li lumelang, e kaba ea Sabatha, boemo ba bafu, Tlholeho, j.j. Ke ka life litumelo tsee tse fapaneng li bang le tšusumetso boitšoarong ba rona ka kakaretso?